

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 27. sjednici, održanoj dana 31.10.2019. godine, d o n o s i

## ZAKLJUČAK

### I.

Prihvata se Mišljenje Ministarstva za pravosuđe i upravu, doneseno po Inicijativi Sanje Renić, poslanice u Skupštini Zeničko-dobojskog kantona, vezano za upućivanje u skupštinsku proceduru Nacrta Zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Zeničko-dobojskom kantonu.

### II.

Zaključak sa Mišljenjem iz tačke I. upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_/19  
Datum, 31.10.2019. godine  
Z e n i c a

**PREMIJER**

*Mirza Ganić*

DOSTAVLJENO:

1x Ministarstvo za pravosuđe i upravu,  
1x Stručna služba Skupštine,  
1x a/a.



Broj: 06/04-

Datum:

Na poslaničku inicijativu podnesenu u pisanoj formi predsjedavajućem Skupštine Zeničko-dobojskog kantona, 12.02.2019. godine, od strane poslanice Sanje Renić, koja se odnosi na upućivanje u skupštinsku proceduru Nacrta Zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Zeničko-dobojskom kantonu, Ministarstvo za pravosuđe i upravu daje sljedeće:

### MIŠLJENJE

Ministarstvo za pravosuđe i upravu smatra opravdanim i potrebnim donošenje ovakvog zakona, koji bi se odnosio na sve izabrane dužnosnike, nosioce izvršnih funkcija i savjetnike u Zeničko-dobojskom kantonu, koji bi se sveobuhvatno primjenjivao na području Zeničko-dobojskog kantona obuhvatajući općine i gradove.

Ministarstvo za pravosuđe i upravu raspolaže provjerenim informacijama da je Federalno ministarstvo pravde uz podršku Britanske ambasade u Sarajevu, u završnoj fazi izrade integralnog teksta Zakona o sukobu interesa u organima vlasti Federacije Bosne i Hercegovine. Predviđeno je da ovaj Zakon uređuje sprečavanje sukoba između privatnog i javnog interesa u vršenju javnih funkcija u Federaciji Bosne i Hercegovine, kantonima i jedinicama lokalne samouprave, obavezu podnošenja i sadržaj izvještaja o finansijskom stanju, imovini i interesima nosioca javne funkcije, osnivanje Komisije za odlučivanje o sukobu interesa i postupak koji ona provodi, nadzor nad provođenjem Zakona, kao i druga pitanja od značaja za sprečavanje sukoba interesa nosilaca javnih funkcija.

Donošenje potpuno novog zakona ima za cilj usaglašavanje ovog zakona sa zakonima drugih nivoa vlasti u Bosni i Hercegovini. Nacrt Zakona o sprečavanju sukoba interesa u organima vlasti u Federaciji Bosne i Hercegovine predviđeno je osnivanje Komisije koja će za sve nosioce javnih funkcija u Federaciji BiH na svim nivoima vlasti proaktivno i sveobuhvatno prikupljati i objavljivati izvještaje o finansijskom stanju, imovini i interesima.

Prema radnom nacrtu Zakona „nosilac javne funkcije“ je:

- a) zastupnik i delegat Parlamenta Federacije Bosne i Hercegovine (u daljem tekstu: Parlament Federacije), **zastupnik u zakonodavnom organu kantona, vijećnik u gradskom i općinskom vijeću;**
- b) predsjednik i potpredsjednik Federacije, član vlade Federacije Bosne i Hercegovine **vlade kantona**, gradonačelnik i općinski načelnik;
- c) rukovodilac i zamjenik rukovodioca uprave, upravne organizacije, ustanove, javnog preduzeća ili druge institucije na **svim nivoima vlasti u Federaciji** koji je izabran, imenovan, ili postavljen, ili je za njegov izbor, imenovanje ili postavljenje data saglasnost od predsjednika, potpredsjednika Federacije, Parlamenta Federacije, Vlade Federacije, **zakonodavnog organa kantona, vlade kantona, gradskog i općinskog vijeća odnosno načelnika i gradonačelnika**, savjetnik nosioca javne funkcije,

čime će se na jedinstven i harmoniziran način urediti oblast za sve osobe koji su nosioci javne funkcije.

Važno je naglasiti i da je predviđeno da Komisija za odlučivanje o sukobu interesa i prikuplja i objavljuje izvještaje o finansijskom stanju, imovini i interesima kao stalno, nezavisno i samostalno tijelo koju će na osnovu javnog poziva imenovati Parlament federacije BiH.

Stoga smo, a nakon razmatranja podnesene poslaničke inicijative, mišljenja da upućivanje u skupštinsku proceduru Nacrta Zakona o prijavljivanju, porijeklu i kontroli imovine izabranih dužnosnika, nositelja izvršnih funkcija i savjetnika u Zeničko-dobojskom kantonu, ne bi bilo u duhu harmonizacije propisa na području Federacije BiH koji regulišu ovu oblast, te bi stvorilo nepotrebne troškove nužne radi implementacije kantonalnog zakona, iako isti nisu navedeni u inicijativi shodno članu 117. Poslovnika o radu Skupštine Zeničko-dobojskog kantona („Službene novine Zeničko-dobijskog kantona, broj 14/18).

Ministarstvo predlaže donošenje ovog zaključka.

MINISTAR  
Nebojša Nikolić